欽 定 全 唐

文

賜李含光勅書 答李含光勍 春令減刑勅 答顏具卿讓憲部尚書御札 答御藥師道場念誦僧元皎等表賀瑞李勒 甄紋皇屬勅 職田準舊式輸送至京勃 授顏真卿太子少師勒 大祀用上元舞勅

欽定全唐文《卷四十四 答顏具卿記書天下放生池碑額批答顏具卿謝祖昭甫贈官批 大赦德音 春令減刑德音 答顏真卿謝蒲州刺史批 答顏真卿謝馮翊太守批 答顏真鄉謝兼御史大夫批 目 錄

			即位大赦文	
				1

欠記というし、たりつり満宗 巡修集兵馬遂使卿等陷於賊手不得奔逃或骨肉之閒 勅西京繼黃耆壽百姓頃者逆兵暴至侵逼長安王事西 宗廟之福社稷之靈京師等兆民懇誠感達天地之所致 力屈盡是脅從朕甚憫焉今已京城再復賊寇殲滅豈獨 來米鹽匱竭人多餓死道殣相望或賊徒逼骨驅使事窮 欽定全唐文卷四十四 枉雁屠害子女之輩多遭虜掠朕每念此流涕痛心又比 肅宗三 宣慰京城僧道父老勒

或偽署官爵事不獲已皆是脅從朕深悉焉無懷反側今 相見 所力屈在寇既閉之以師旅又臨之以兵戈或強逼驅馳 勒西京官吏等逆胡構禍暴犯京邑我國家圖必勝之勞 意或惶恐焉各宜寧居勿懷反側各令宣諭與卿等不久 金与白星了一美四十四 天旣悔禍宗廟垂靈王師東征雷擊電掃逆徒期絕關輔 取萬全之功是以避狄而西外飭師旅遂使卿等奔竄無 也方與鄉等雪耻辱布維新大棄遊瑕宏宥罪戾恐未達 宣慰西京官吏勅

為政之本期於節用今農功在務廩食未優如聞京城之 炎に白白と一人とヨー日南宗 載清卿等代承國思家傳禄位乃祖乃父為我純臣雖陷 建邦設都必稽元象分列曹局皆應物宜靈臺三星主觀 業其京城内酤酒即宜禁斷麥熟之後任依常式 朕與人更始豈求錄微瑕哉旬日之閒與卿等相見 賊中固深憂憤是用惻隱於憫於懷宜各自安更勿惶懼 中酒價尤貴但以麴蘖之費有損國儲游情之徒益資廢 置司天臺勅 禁京城酤酒勅

軍諸使比因論竟便行追攝今後須經臺府如處斷不平 後非正宣並不得行用中外諸務各歸有司英武軍及六 節減諸作坊造坊並停比緣軍國務殷或宣口勅處分今 察雲物天文正位在太微西南今與慶宮上帝庭也考符 寇孽未平務懷撝挹自今已後朕常膳及服御等物並從 院應有術藝之士徵辟至京於崇元院安置 量事修理仍置五官正五人司天臺内别置一院曰通元 之所合置靈臺宜取永寧坊張守珪宅以充司天臺所司 金なとうう 减省服膳勅

為救弊則有形分龍馬勢寫刀龜子母相權變通斯在今 次色白的とアメリトリ南宗 具狀聞奏自文武五品已上正官各舉賢良方正直言極 九府陳規百王不易或以輕為重蓋取適時以重為輕 國步猶阻帑藏未充重飲乃人困不堪薄征則軍賦未足 知朕意焉 政朕推誠御物與衆共之思與蒼生臻夫至道宣示中 須進狀仍服豸冠殘妖未珍國步猶難共體至公以康 人任自封進兩省官十日 行輕重錢勅 上封事御史臺欲彈事

者急在軍戎所以久虧禄俸眷言優恤恒愧於懷今甫及 察比無俸料桂玉之費將何以堪宜取絲州新錢給冬季 自餘錢監並聽依舊享兹厚利足以富國人安俗阜朕復 是以頃令改鑄務於濟時自開元行用已來頗亦公私宏 勿至寬容仰州縣明示錢樣切須捉搦勿使達越在京官 盆今可於絳州諸鑪加樣起鑄更增新郭不變舊文每以 何憂仍令鑄錢使即勾當起鑄新錢或有奸濫所由奉法 金にくと用うしえとして 錢用當五十利豐費約實允事宜其錢以二十斤成貫 即仰所由申請計會支給且艱難之際家國當同頃

價益起人心不安事藉變通期於折衷其重稜五十價錢 乾元當十錢宜依前行用仍令中京及畿縣內依此處 宜減作三十文行用其開元舊時錢宜一當十文行用其 私鑄頗多吞併小錢踰濫成弊抵罪雖衆禁好未絕況 次定全害文·卷四十四肃宗 授衣略為賙給庶資時要宜悉朕懷 時立制項議新錢且是從權知非經久如聞官鎮之 州待進止 職 重稜錢減價行用勅 田準舊式輸送至京勅 四 物

繇觸途乾沒中閉司尤被抑屈公私不便因循累年自今 五十里外貯納縣倉本官自差人請受緣是暫時寄貯所 停留并輒受加耗請準所費及剩數計贓以枉法論至死 京官職田准式並合個人輸送至京中間楊國忠奏去城 付りて 澤太廟祠享然後用此舞餘祭並停 已後京兆河南府諸縣並令依舊送京輸納本官如邀詰 者加役流 祠祭上元舞前令大祠享皆將陳設官今已後圓丘方 大祀用上元舞勅

名位不同禮亦異數有司定儀將從籍屬之條天下寫家 來斯遠倍七月之期俯就三年之制降殺以等存乎典葬 同五等親宗子等系自本枝分於天派繫之以姓而無别 夷不可得而變革也應追赴山陵及先在城於西宫陪位 於上宗易於下六代而親屬竭矣先王所以敘昭穆明等 用廣孝慈之道惇駐九族其在兹乎應追到及在城同五 約之以禮而有差朕天禍所鍾哀纏問極嗟我公族儼然 勒五代則遷以尊祖稱三族之别以辨親陳故禮曰祖遷 炎に自由之間、美国一日南宗 甄敍皇獨勍

勃國儲為天下之本師導乃元良之教將以本固必由教 等序即宜勘造圖籍宣示中外知朕意焉 中有才學行藝為眾所推及嗣郡王嘗經任使灼然著 聞薦自天寶以來闕造宗籍宜令宗正等重申舊制昭 散官至簡日稍優與處分未出身者量才授文武散官其 續者宜委宗正卿斑漢中王瑀光禄卿涵録其名實具狀 等親宗子等五品已上各加一階六品已下前資常選并 金只任馬四十日 非求忠賢何以審論光禄大夫行吏部尚書充禮儀使 授顏真卿太子少師勅

瑞李繁滋國之與兆生在伽藍之內足知覺樹之榮感此 前充禮儀使散官勳封如故 **俾其調護以全羽翼一王之制咨爾兼之可太子少師依** 碩學為百氏之宗忠讓罄於臣節貞規存乎上範述職中 とこここと マシー 品流叔孫制禮光我王度惟是一有實貞萬國力乃稽 則思其人況太后崇徽外家聯屬顧先勲舊方睦親賢 服勞社稷靜專由其直方動用謂之懸解山公敢事清 柱國魯郡開國公顏真卿立德踐行當四科之首懿文 答御藥師道場念誦僧元皎等表賀瑞李勃 リ粛宗

流巴下 覃 每較納隍之慮常懷解網之仁屬陽春布和品彙咸達宜 無忘夕惕如聞州縣之內多有累四图圖之閒動淹時序 金定 陳規必議緩獄周官設教遵於中典朕躬臨實位憂念黎 國之用刑兼在於慎恤王者布澤亦貴於乗時所以大易 元乾乾之心日慎 殊祥與師同慶 在宥之澤俾叶生成之化其天下見禁囚徒死罪降流 全唐文、卷四十四 春令減刑勅 切放免其十惡反逆及偽造頭首強盜劫殺官 一日況兵戎未息征役尤繁哀此下

量降十丁猶恐編戶之中懸磬者眾限數既少或未優於 之恩庶及措刑之美宣示中外知朕意焉 其實不支濟者宜令每鄉量更於放待資產稍成任依常 深通道妙久著名聞昔茅君之山今洞真之奧以師德行 式以天下未寧頻申赦令公私庶務優恤蓋多載草宥過 及作曹非切要外並宜減省京畿諸色和羅一切並停其 とことにこうこう病宗 犯贓枉法等害政旣甚在法難容不在此限其諸供司 下百姓灼然單貧交不存者緣租庸先立限長行每鄉 答李含光勅

皇聖駕迎還宮闕得此定省慶慰自天仰荷元元之祐 成宗社之業亦師精修願力有以助之必須加意壇場潔 良景慕之朕頃總干戈掃除凶慝保全萬姓克定兩京 多定全唐文一卷四十四 清香火廣上皇之福壽仰六合之康寧靜正道門當在師 順風見知今乃鍊質名山良多景慕也況茅君洞穴仙經 所稱靈化往來神藥斯松師當閱金蘇之秘訣祈元官以 久契真要深通元微游逍遥之境得朝徹之道上皇疇 賜李含光勅書

郡邑多虞卿能審事宜捍禦兇盗雖平原不守而功效殊 卿才推翰苑望重朝廷昆弟成名俱效忠節項遙薑縱 たここまして 大り一日 朝宗 高自遠歸朝深副朕望允膺曳復之命無至免冠之請 師得平安好遣書指不多及 夏藉卿以振朝綱曳履之榮允膺其象弄印之龍無以易 清修驗消災之方効長年之術尤宜精勵庶表齊功夏於 德重才博久而益彰深竭忠貞克著名節乃今再造 答顏真卿謝兼御史大夫批 答顏具鄉讓憲部尚書御札

金分白厚了一美里丁里 做之餘宜加撫存以申來效所謝知 **乖執法情未滅私朕念以舊勲遂從寬宥今左輔之郡凋** 卿夙負名器列在朝廷委弄印之傳兼曳履之龍而乃事 襟帶相接宣風布化實行於卿特委股肱尤當勉勵防虞 卿簪紱之端名節素重出鎮藩翰克效忠勤況自同及蒲 **卿旣簡朕心不至謙讓所謝知** 恤隱必應事宜所謝知 答顏具卿謝蒲州刺史批 答顏真卿謝馮翊太守批

帝都實為巨防自非宿德其可濫居委卿忠誠俾當連 たことをいくたり上り請宗 以表哀樂所謝知 其業在卿之門式覃追遠之恩俾蒙貽厥之慶加贈方岳 卿之乃祖當為碩儒旣高倚相之能遂有臧孫之後不 **卿學行有聞謀餓克壯屢經寒歲不改松筠且江寧古** 宜宏籌略為朕緝綏所謝知 答顏真卿乞書天下放生池碑額批 答顏真卿謝祖昭甫贈官批 答顏真卿謝浙西節度使批 帥

金与白厚了 美巨十日 守器為重擇賢而立萬國繇其永貞百王以之垂範蓋以 朕以中乎及物亭育為心凡在覆載之中畢登仁壽之域 符域中之大茂建元儲用崇天下之本皇太子俶植性恭 重社稷而奉深盛也朕續承洪緒惟懷永圖不膺皇極 色大猷能以懿文用刊樂石體含飛動韻合鏗鏘成不朽 四靈是畜一氣同和江漢為池魚鼈咸若卿慎徽盛典潤 嘉乃意所請者依 之立言紀好生之上德唱而必和自古有之情發於中子 立成王爲皇太子德音

是肇啟承華懋昭嘉緒今撰長斯及無命攸行宜承繼明 勲兩轉項因國用不足頒賜未周今所鑄新錢數盈於萬 見禁囚徒已下罪一切放免内外文武官三品已上者賜 懿因心孝友文武之德克聞於日躋君親之誠實原於天 欽定全唐文《卷四十四肅宗 私率土之閒屡經蕩滌猶慮近有冒法或滯狴牢其天下 之慶俾廣府雷之澤可大赦天下頃者頻與大典累洽殊 其京官文武五品已上及常参官六軍將士東北京留守 性往以時屬艱阻義扶宗社故能外清元侵內復皇圖繇 級四品已上各加一階五品已上官子為父後者賜

要求賢是急比令中外薦舉多非實才所以詢事考言登 品已上各舉忠正孝友文儒周慎堪任東宫官者務取實 以為罪其有受賊節制能以兵降者酬其封爵且為政之 才不得虚薦今餘寇未殄有齊在城中未歸順者一切不 親及諸色陪位人等各賜熟兩轉其鴻臚蕃客賜絹 朕元從功臣等普恩之外更賜一爵四品已下更加兩階 其在靈州及寧州至鳳翔者仰所司類例更遞加一等皇 匹天下義夫節婦孝子順孫旌表門間終身不事京官五 及諸道節度將士等各賜有差其唐元功臣成都元從及

特 知者不限人數任各薦聞如自舉者亦聽於所在投狀有 科蓋寡猶慮嚴穴之内尚有沈淪宜令所在州縣更加搜 及撰冊書舁寶官禮官等普恩之外賜敷兩轉其禮儀使 有處分宜令州縣長官倍加優恤應緣冊禮職掌要重者 堪任用不限常資其行人家及贏老單貧鰥寡惸獨已頻 類 /與前詔科目相當一切委內外文武五品已上官有所 其懷才抱器隱遁邱園以禮徵送如或不赴具以名聞 賜 例奏聞 **階副使普恩之外賜爵一級勃文有不該者所司** 100 (1)

宜草在宥之澤庶叶維新之令其天下見禁囚徒死罪 志在蒼生今寇孽為虞征輸未息猶恐提戈釋来未有厚 於人時真棘埋梧或慮盈於幽園屬三陽啟候萬物遂生 麛卵殷湯宏解網之仁順彼陽和漢后有錄囚之詔育物 欽定全唐文、卷四十四萬号 中夜求衣慮一物之失所憂四方之未又雖身居黃屋而 施惠抑惟舊章朕續服鴻業祗膺寶位何當不日肝忘食 從流以下並釋放京城宜令中書門下即分往府縣御 乗時布澤有國之彝訓議獄緩刑前王之茂典縣是治其 春令減刑德音

量移仍委中書門下議覆奏取處分其先緣安禄山偽署 臺大理寺即親自按問疏決訖具狀聞奏諸府州各委所 黨苟免者多從前詔書頻已該及其史思明將士及偽署 繇長官準此處分諸色流人及左降官等所縣類例並與 欽定全唐文人卷四十四肅宗 挂總冕使其終沒裔土永匿慙魂孰若貸以殊私俾令效 縁寇盜之內干戈脅從白刃臨頸胡寧忍決所以陷於兇 節亦準例處分兼委中書門下量輕重類例奏取處分比 三司有名應在流貶者原情議罪到國誠深朕已捨其殊 死鼠於荒徽固當與衆共棄長為匪人然皆那家舊臣當 主

官屬等有東身歸順升率眾來降官爵如初一 桑百姓中有勤勞耕耘積其菽栗或贍於間里或能益軍 者各委節度使速揀擇放還路次州縣量加濟恤諸 儲委所縣長吏具狀奏聞當特與甄賞仍令有司第其高 城邑降者仍别加封爵餘兇黨之流亦同此例天實臨 本勸人實為政要宜令天下刺史縣令各於所部親勸農 下量剛五品以下官員其百司及州縣與工力役不急之 無食言王者設教務農為首今土膏方起田事將興敦 切並停諸軍兵健應在行營有贏老疾病不任戰

欽定全唐文《卷四十四肅宗 役各令所司減省放其營農且寇孽未平軍我當備此庶 蠲免每司各條件聞奏當使施行 宜委中書門下勾當令度支使與諸供司一切減省應可 之內征賦猶繁朕所以親帥公卿躬行節儉而詔書屢下 蠲免蓋多國計軍儲取給而已猶欲累加損益以惠點黎 元首之義以人為心外有潤傷内懷慘怛罪歸於己情見 一恤朕志宏覆載運屬艱難思措大刑俾登壽域風以解 ,解伯禹深泣辜之仁漢皇下哀痛之詔與理同道惟 大赦德音

降官等即與量移近處諸色流人及效力罰鎮人等並即 百姓流離至於因弊戰士暴露煩聞闕乏或先有結聚及 月建軍令但宜改過自効前事捨而不論 襲虞以來多冒 還其有亡官失爵亦與收敘比來兵革不息年穀未登 情雖難恕特從寬典許以自新並宜納贓放所犯罪 辟道存善貸屢有德音庶其最靈咸自改勵宣示中 **整字其天下見禁囚徒罪無輕重一切放免其官典犯** 時當發生國有舊章已懸書於象魏恩成在宥宜釋繫 欽定全唐文《卷四十四肅宗 天下者也乃者羯胡亂常京關失守天未悔禍羣光尚扇 聖皇久厭天位思傳眇身軍興之初已有成命予恐不德 即皇帝位於靈州散崇徽號上尊聖皇曰上皇天帝所司 兆庶之心敬順羣臣之請乃以七月癸丑朔十二日甲 興朕所以理兵朔方將珍寇逆務以大者本其孝乎須安 問敢祗承今羣公卿士愈日孝莫大於繼德功莫大於中 知悉數有歸不獲已而當之在昔帝王靡不繇斯而有 聞聖人畏天命帝者奉天特知皇靈眷命不敢違而去 位大赦文

草澤委所在長官聞薦詣闕自陳者亦聽東官官屬既會 昌期合承龍命量加改轉諸色勾徵逋租懸調及官錢在 直言極諫才堪牧军文詞博達武藝絕倫孝悌力田沈淪 其優獎斬得逆賊父子不問首從當錫爵土别有惡崇其 累者不在免限百姓官吏能率親屬去逆歸順者有官加 百姓腹内並宜放免靈州改為靈武郡大都督府上 所不免者成赦除之其逆賊李林甫王鉄楊國忠近親 率土之澤可大赦天下改元日至德大辟罪已下常赦 日昭告於上帝朕以薄德謬當重任既展承天之禮宜 縣

嶽 望中縣為上官察等一切便授天下耆壽各賜物五段侍 欽定全唐文《卷四十四肅宗 訪 事官吏犯枉法贓終身勿齒自古聖帝明王忠臣烈士五 物十段天下寺觀各度七人太守並限三考然後轉御史 老版授太守縣令有差各賜物五段諸道百姓委本道採 取曾任那縣理人官者後可薦用所有彈奏一依貞觀故 使差郡縣官存問四方將士各賜馬一匹六品已下賜 門間内外文武官九品已上各賜兩階賜敷兩轉三品 四瀆名山大川並令所在致祭孝子順孫義夫節婦 一賜爵一級 盂

憑怒上皇丕烈萬國永懷因時致討爲人請命由是義 **戈嘗膽撫劒泣血罔不夙夜若涉春冰賴天地疾威社** 奮發回統籍兵邦圻關輔之士汧隴河湟之衆沙朔羌戎 不誅日者逆胡猖狂敢行稱亂朕嗣守鴻業欽承睿圖 獫 騎微盧羅貊之人萬里雲趨四方霧合既張我伐咸 狁孔熾,古之王者奉若天命違道不敢不正干紀 轅有版泉之戰堯帝有丹水之師湯有萬伯不祀 心蠢兹遙藍之餘尚質螳娘之力自京南合戰雜 收 復兩京大赦文 周 乃

欽定全唐文、卷四十四肅宗 積所以自天之澤必奉於承顏作解之恩尚稽於候命今 漢以新莽之篡復之者六千日今環周未載気程廓清風 **六飛屆止萬姓昭蘇義奉君親慶深家國不失舊物與俗** 迎靈駕紫宸初正黃屋未歸者老之望則深庭聞之聽猶 靈叶賛累聖垂社豈予小子能集大熟頃以先掃宫室奉 奔百萬推鋒一式而定昔夏以有窮之亂克之者四十年 **振海而波盪雷破山而石裂區字重闢日月增輝此皆三** 不免者咸赦除之其逆人能自投降率衆於附及殺獲逆 一新宜宏肆告之典共喜以康之福可大赦天下常赦

勇不顧死危能致命或竭誠羽翼仰北辰而環拱或叶 逆支黨及李林甫王鉄楊國忠等一房並不在免限武德 國 開元及蜀郡靈武元從功臣有先已發死王事者並加 斯見太子太師豳國公韋見素開府儀同三司內侍監 贈各與子孫一人官乗輿幸蜀天步多難人心且搖臣節 人以所部郡縣軍城降者並加超賞應與安禄山同謀反 司右龍武大將軍張崇俊右龍武大將軍特進杜休祥 元禮開府儀同三司左龍武大將軍田長文開府儀同 公高力士開府儀同三司右龍武大將軍頻川郡公陳

豈忘締構銀青光禄大夫尚書右僕射裴冕識宇沖深體 食實封三百戶光禄大夫殿中監同正員判行軍事李輔 封南陽郡公休祥進封馮翊郡公各實封二百戶朕襲行 とことにより、こりつ、精宗 國志除奸惡忠誠濟危加開府儀同三司殿中監依前判 局貞固輸忠佐命肇啟興王加開府儀同三司封冀國公 加開府儀同三司食實封三百戶力士加實封三百戶元 天罰誓兵朔野幸以一旅之衆遂成九有之師言念經綸 心齊聚東井以全歸疇兹錫社之封永以誓河之義見素 進封蔡國公實封三百戶長文進封鴈門郡公崇俊進

封二百戶中軍都虞侯特進鴻臚卿同正員李鼎加開府 馬副大使管崇嗣能訓戎律以佐兵權進封鉅鹿郡公實 林軍宿衛內供養王規加特進太原縣倭仍各實封一 封二百戸開府儀同三司兼鴻臚卿同正員中軍都知兵 行軍事封成國公實封五百戸銀青光禄大夫宗正卿兼 金原全厚文 卷四十四 戶自寇賊姦完王師未振瞻言京國尚聚犬羊廣平王依 循學好古令德孝恭志存邦家誓雪飾耻爰鞠其旅元戎 工部侍郎李遵義切維城熟參定國加特進封鄭國公實 同三司進封保定郡公雲麾將軍右武衛大將軍左 羽 百

殿行可封為楚王實封二千戸銀青光禄大夫尚書左 射兼武部尚書同中書門下平章事兼靈武大都督府長 左廂兵馬使同節度副使姑臧縣伯僕固懷恩進封豐 大業加司徒兼尚書左僕射進封代國公食實封二千戶 採訪處置使郭子儀才光三傑功格十臣克焯皇威載昌 鹽池押諸番部落副大使知節度事六城水運朔方管內 史單于安北副都護持節充朔方節度使關內支度營田 平章事已下並如故開府儀同三司兼鴻臚卿同正朔方 公實封二百戶開府儀同三司兼右金吾衛大將軍同正 シン・フェニー 7 萧宗 國

金定全唐文《卷四十四] 京弁定武威武興平等軍兼關內節度河西隴右伊西四 夫鴻臚卿太原尹北京留守河東節度副大使薊國公李 郡行營兵馬使王思禮養銳先鳴蓄奇後殿可開府儀 定難可兼衞尉卿同正封虢國公食實封二千戸銀青光 禄大夫守司徒戸部尚書同中書門下平章事兼御史 戸開府儀同三司御史大夫兼工部尚書持節充招討西 兵部尚書同中書門下平章事進封魏國公食實封八百 光弼全德挺生英才閒出干城禦侮坐甲安邊可司空兼 充四鎮伊西北庭行軍兵馬使李嗣業履險忘驅破敵

禄大夫太常卿同正兼御史大夫淮南西道節度採訪使 金鄉縣公會及蘊是韜略副兹節制可開府儀同三司兼 三司行工部尚書兼御史大夫封霍國公實封六百戶光 充京畿採訪計會招討宣慰處置事崔光遠毀家成國致 御史大夫封岐國公仍各食實封二百戶兼京兆尹持節 命前茅可特進行禮部尚書封鄴國公食實封三百戶開 府儀同三司李光進慎固封守克獻殊熟封范陽郡公 如故特進太僕卿南陽太守兼御史大夫權知襄陽事 川太守來填可開府儀同三司兼御史大夫封潁國 : 7 7庸宗

實封三百戶賢非后不享后非賢問人社稷之固必在良 書門下平章事河南節度採訪處置使賜紫金魚袋張鎬 皇猷可金紫光禄大夫刑部尚書同中書門下三品封褒 臣左相苗晉卿忠不忘君才惟濟代弼成大業保人王家 書門下平章事李麟蘊德成務含貞軌物發揮帝業潤色 令封趙國公食實封五百戸朝散大夫守中書侍郎同中 允釐庶績康濟多難一 國公銀青光禄大夫中書侍郎同中書門下平章事崔圓 可特進行侍中封韓國公食實封五百戶憲部尚書同中 正天下大庇生人可特進行中書

並如故銀青光禄大夫太子少師房琯當以經術輔導朕 書李峴饋運用給開物成務可光禄大夫行御史大夫兼 金紫光禄大夫戸部尚書郇國公韋陟持衡流品式亭百 使定全事文·长四十四肃宗 工可金紫光禄大夫吏部尚書銀青光禄大夫守禮部尚 加光禄大夫御史大夫越國公峘總兼元戎克寧全蜀可 躬加金紫光禄大夫少保嗣號王巨頃以宗枝居守京邑 兆尹封梁國公太中大夫吏部侍郎賜紫金魚袋蘇 然徒臨事盆辨可銀青光禄大夫行吏部侍郎其赴 惟允綱紀立程總兹戎律懿是謀府封南陽縣

蜀郡靈武元從官及在路扈從官三品已上與一子官 人令所在郡縣收骸骨壓埋具酒食致祭各與追贈其家 給復二載諸郡縣收或隔絕賊境則因於幽殘或偏宴官 高者别有處分應見任五品已上當別與一品階其陣亡 軍則弊於賦斂其來載租庸三分放一其天下百姓應 色人勾徵及欠負官物一切放免宜令中書門下簡使 分道宣慰所至郡縣審問百姓間利害有須釐革處置者 ノーノンアンライー 聞奏其園苑內有開廐使總監各據所管地界耕 一子出身六品已下量與進改功臣將士勲業

欽定全唐文人卷四十四肅宗 於經史工於詞賦善於著述精於法理軍謀制勝武藝絕 聞薦其郡縣官有灼然清白理行尤異百姓中孝悌力田 格式未折中者委中書門下簡擇通明識事官兩三人並 官有堪任太守縣令者委京清資五品已上及郎官御史 倫並任於所在自舉委郡守銓擇奏聞不限人數其律令 成刺繍之類一 減屋宇車與衣服器用並宜準式珠玉寶鈿平脫金泥織 不求聞達者委採訪使聞奏其有文經邦國學究天人博 所牧草栗以備國馬其宫女及狗納鷄鷹鷂之類宜即 切禁斷學官即宜精選務令講習簡擇郎 主

品已上官上郡太守父見在無官及官里並與五品官父 官家並依三京名號吳山為吳嶽其利享官獨並準五嶽 故事頃以上皇在蜀朕亦居岐蜀郡宜改為南京鳳翔宜 許遠張巡張介然蔣清龎堅等即與追贈訪其子孫厚 故事天柱山老君廟改為敢聖宫五品已上清資官及三 法官兩三人則定近日所改百司額及郡名官名一切依 死無二烈士徇義雖滅猶存其李憕盧爽顏果卿袁履謙 先亡殁者贈一人官祖母亡殁亦賜邑號忠臣事君 為西京西京為中京蜀郡改為成都府鳳朔府尹以

欽定全唐文《卷四十四肅宗 身赴朝廷并逃難山谷其父子兄弟伯叔等為賊捕捉 逼 官爵家口深加優賞其内外文武官有枉遭逆賊殺害 ,起後載給復三載良娣張氏旣望氣知歸亦當熊見 及謀反城人言語洩漏 給復三載蜀郡上皇親幸萬乗久居明年租賦宜依常 圍給復三載上黨三度被攻給復五載其南陽頹州 天下侍老八十已上版授有差並贈緋魚袋太原久 各給復三載其好時奉仙兩縣進退禦寇徵求復 陽雍邱等郡縣堅壁多時力窮方下絕食尚守情 因遭殺戮並勘實聞奏當以追

男倕為祀王第十一男偲為邵王第十二男侶為興王第 與一子六品官皇五等已下及九廟子孫及親等人見在 之明慙於則哲而睦親之義蓋所隨時持盈尊師儀王 五品量加減兩考蜀郡鳳翔扈從從官九品已上賜勲 者並與轉改內外文武官三品已下各加一階應敘三品 下各賜五百匹諸長公主各與一子官嗣王及郡縣主 十三男侗為定王淑妃以下所司擇日即行册命雖知 們為死王東陽王廷為涇王第九男債為襄王第 為淑妃進封南陽王係為趙王新城王僅為彭王頓

禮經著元貞之德易象載重明之義朕續服鴻緒不承前 維乾元元年歲次戊戌十月庚子朔五日甲辰皇帝若日 **根道備文武生資睿哲温文彰於日就孝友稟於天成** 烈爰升主鬯之賢實符當壁之命咨爾太尉后書作成王 於戲自昔聖王咸建儲貳蓋將嗣守神器度奉宗裡是以 水之師實剪綠林之盜所謂功定社稷義寧君親今萬日 轉溥天下賜酺五日 以兇觀亂華干戈集事是能出悟戎偶入奉廟謀克符 **册成王為皇太子文**

兢兢業業底保於大猷然後無添爾祖宗克寧我那家 欽定全唐文 卷四十四 景 非尊賢無以成德非廣孝無以承親遠斥便佞詢謀正直 **欽哉丕膺景命可不慎歟** 以貞三善斯屬宜膺上嗣之典俾踐少陽之位是用命爾 為皇太子以副朕躬爾其思王業之艱難遵聖人之炯

欽定全唐文卷四十五目錄 肅宗 期太上皇尊號赦文 安元年建卯月南郊赦文 大五年建卯月南郊赦文 大五年建卯月南郊赦文 四 可採

欽定全唐文《卷四十五 新進丹電宣示史館表 再請上太上皇尊號表 要大聖尊號並上太上皇尊號表 葉法善像賛

皇降衷敷祐於上允文允武乃聖乃神道合乎乾坤德明 戡定多難懷柔百靈霸王之功也於是乎為而不宰成而 繼統立身莫若揚親其義遠矣我太上至道聖皇天帝惟 欽定全唐文卷四十五 じこころう 一一都宗 **升中東嶽聖人之表也制禮作樂闡學明刑帝皇之業也** 古者父有天下傳歸於子子有天下尊歸於父有國所以 肅宗四 日月粵若增崇九廟巡謁五陵天子之孝也嚴種二郊 册太上皇尊號赦文

多分全唐文 着四十五 聖皇天帝累日誠請不蒙許納至於數四今兹俯從允膺 不構討伐叛逆綏懷四方豈朕所能皆聖皇之訓也頃者 命聖皇所賜曰光天文武大聖孝感皇帝名以制義亦為 仁豈有如我開元之盛也乃稽大典上徽號曰太上至道 惟帝載欽若聖養自古以來百王垂範文明濟哲孝友寬 於天祖宗之緒恐墜於地一昨與羣公百寮庶尹衆士 親授實符載錫美稱顧朕不德弗克負荷君父之命若登 勿居神超象外之先心契合其之境釋負於小子俱承於 天休克副人望朕上迫嚴旨曲被殊私迎春之初承奉嘉 圖

載昌有虧公議復以大聖二字深僣皇猷讓非飾詞言必 實賓里不踰尊是昭物則恭惟聖造何敢當仁頃以鴻業 於 定全 唐文 长四十五 肅宗 慶其時孚佑兆人緩刑斯在宜宏需澤以布陽和可大赦 新景命禮洽於尊親誕受徽章敬在於順上發生萬物行 奏聞自開元已來將相大臣非反逆及犯名教在法贓罪 先推勘者本罪中遞減一等處分其合放者三司具條件 無輕重常赦所不免者成赦除之其兩京文武官應三司 形 天下改至德三年為乾元元年起二月五日已前大辟罪 泣承順顏色而宸捲不迴祗膺龍光乃夕惕增厲今惟

授周親及親近亦聽六品已下量與改轉鳳翔府以歸順 扈從三品巳上與一 聖皇天帝至成都府文武官五品已上宜與一子官六品 失骸骨者各招魂葬身死者三品已上各與追贈仍各 等已上親被逆賊殺害者各與子孫一人官使其瘗藏 已下超資進改聖皇至成都府後到官及寧州靈州首末 追贈者據本官追贈公主并郡王嗣王郡主縣主及皇五 者流死許其家人以禮收葬其陷在賊境為其殺戮未經 子官五品已上一子出身六品已下量事追贈其元從 とうアランプラモーコ 子官五品巴上放一 子出身情愿 迴

與處分唐元功臣普恩外賜爵一級身亡殁者子孫一 聞奏諸道留後將士普恩外賜恩三轉自開元已來宰輔 欽定全唐文人卷四十五肅宗 參官及諸州刺史絕胆仰藥不事叛人為衆所知者量 之家不為逆賊所汙者與子孫一人官賊陷兩京文武常 優贈有脫身賊庭妻子被屠戮者委所司勘會聞奏其 放一子出身六品已下量與改轉熟業高者各委本使 者普恩外加一 孝義門各與一子官委採訪使具名奏聞量文武處分 時其諸道節度下將士三品已上與一子官五品 **哈車駕出城後任官潜藏不仕逆賊即**

色雜供各宜減半某雜徭役非要切者一切並停其天下 年八十巴上及疾患在狀枕者不堪扶持更無兄弟許其 邑號無父母者與妻子有一家丁壯盡被屠害者其父母 停官終養其流人亦準此自今已後應有以醫術入仕者 其左降官非反逆緣坐及犯惡逆名教枉法盜贓如有親 州縣有遭逆賊攻擊堅守不下竟以獲全其官人百姓中 同明法例處分天下百姓今年租庸並放其百司府縣諸 酬其官賞身亡殁者重加爽贈有父母存者仍與一官及 有實効灼然為眾所知者宜令本道使案驗奏聞據狀迹

TOTAL SERVICE AND ADDRESS OF THE PARTY OF TH 并與種子犂牛仍免三年租賦內外文武官三品以 因城陷被賊殺戮殘毀者委本道使勘責取實各量免其 妻子仍令州縣以官物販恤并量造舍宇使得安存 於諸色人中精加訪擇補擬判司丞已下宜令所繇先於 二三年租賦自逆賊以來有匹夫匹婦節義可稱者並 其間墓其流亡戸復業者委本道使與刺史勾當販 賜勲兩轉其刺史上佐録事參軍縣令委中書門下 ことましてたりこと前宗 京潛藏不仕逆賊及固託疾病官中簡擇資考深才 級四品已下及四方通表使各加一 階五品 7 巴

金牙白厚了一老四十五 前烈車修裸享之儀對越上元式陳郊裡之敬美其盛德 朕聞皇天有命皇王受之命之為君孝理為本莫不欽崇 各還本官仍别優賞其左降官諸色流移配隷安置罰鎮 者銓註續發遣皇五等已上親及九廟子孫有才學政理 **効力之類亡官失爵解退放歸田里及安禄山反黨緣坐** 委宗正寺揀擇聞薦其有任偽官及掌兵馬軍將能即來 日制後所犯並準前制處分 不在免限李林甫王鉄楊國忠等一房去年十二月十 乾元元年南郊赦文

實在於斯閒者孽胡亂常暴殄天物致圖書禮樂或阻於 庶極於此是用追崇先后建立中官永言孝思感微音於 克殄封鯨鯢以示威王室旣寧奉靈輿而載復太上聖皇 干戈宗廟神祇有虧於享祀朕談受明命襲行天罰羣妖 商頌有奏鼓之音告厥成功夏書有錫珪之慶國之大事 攸敘然後執費清廟歌五聖之重光燔柴圓丘親百神 **俾予小子缵承大統夙夜祗懼俯盡臣子之心親親尊尊** ここここにというこうこと新会 文母俾行婦道想釐降於虞嬪情理於是獲申人倫以之 天帝功格天地道邁胥庭思凝神於姑射將釋質於宸展

官吏百姓中有勞未經酬賞者委所在官長具狀奏聞當 賜爵一級四品已上加一階行人賜勲三轉自寇賊以來 多定全唐文《卷四十五》与 餘一切原免其餘逆賊元謀及齊從今但歸投並原其罪 舉元符允答行慶施惠尚屬於陽和出緊挺囚必當於時 受職復修祭禮再備樂章尊祖配天不失舊物今大禮斯 仍與官賞其成都元從聖皇功臣及靈武元從功臣並 兩京將士三京留守諸道節度採訪使普恩外三品已 令思與天下更布惟新宜覃肆告之恩以治雍熙之化可 大赦天下除反逆之黨緣坐謀殺十惡劫盜臨監主掌 收

進鷹點狗豹等一切並停應緣南郊百司張設有損百姓和雇造買不得分配典正其年支口味宜減一半諸使應須更差其州縣官上什物並以公解及官人料錢依時價府縣門夫熟官並於舊額數減一半其庸丁殘疾人等不 軍務所要自令和市兵士有匹弱贏老並揀擇放其長安與甄錄天下百姓除正租庸外一切不得别有使役如緣 先給兩縣各五十貫貯於兩市差官專知旋還價值其州 次定全每大一长四十五扇宗 及供諸司并蕃客等左藏雖給價值奏請每引時月宜年兩縣各借錢一萬貫每月收利以充和雇其别勒索

求聞達未經推薦者一藝已上恐遺俊又令兵部吏部作 覽用行嘉謀才有可觀别當甄録草澤及甲位之間有不 徵召條目奏聞録事參軍職司紀舉自今已後宜升判司 身奏聞京官九品以上許上封事極言時政得失朕將親 財點行風俗虧敗名教先決六十配隸積西有官品者禁 捐免戸州縣隨事優恤販給百姓中有事親不孝别籍異 奏當龍以官職鰥寡惸獨寫疾不能自存及陣亡人家並 姓中有能行仁義分濟貧窮免填溝壑賴散恤者具名 苗稼者委京兆尹隨損多少語酬所損錢物便即聞奏百 るないたいとうとしい

外文武官三品巴上賜爵一級四品巴下加一階歸營農待賊平之後任從常式二王三恪各與一子官內 四巳上進士通三與及第鄉貢明經準常式州縣學生放 位胡孽干紀王師尚勞乾乾之心豈忘鑒寐一物失所每 自古哲王恭承景命莫不執象以御宇歷時以建元必當 較納隍之憂萬邦未寧深懷馭朽之懼賴上元垂福宗廟 上稽乾符下立人極者也朕承累聖之鴻業紹大中之實 政以彰委任國子監學生明經法帖策口試各十並通 改元上元赦文 . 精宗

自上元元年閏四月十九日昧爽已前大辟罪已下已發私宜載覃於率土可大赦天下改乾元三年為上元元年 者成赦除之其與逆賊元謀及脅從受驅使懼法來降并覺未發覺已結正未結正見禁囚徒罪無輕重常赦不免 多定全唐文、卷四十五 降靈百辟卿士同心勠力方其干戈載最區字义安每勵 故之典將契惟新之命義存更始庶有應於天心澤被 躬於而圖常取則於天道屬天人叶紀景象垂文爰遵 一藏不出者已頻處分但能歸順捨罪除元惡之外一 問其史思明必能改圖束手來款亦當洗其瑕釁議

陣亡將士優加聚贈行人家口所在賬給定禍亂者必其成都靈武元從扈從遞加有差在外諸軍各加錄賞 尚父實佐與王況德有可師義當禁暴稽諸古昔爰崇 たことまこと こうし 満宗 禮其太公望可追封為武成王有司依文宣王置廟仍 於武德拯生靈者諒在於師貞周武創業克寧區夏惟 之權苟或失其科條固難措其手足頃以奸臣擅命中 書門下擇古今名將配享並置亞聖及十哲等享祭 封内外文武官賜爵各有差六軍及飛龍開廐 同文宣自古百王欽慎刑法蓋以法者人之命刑

削去此法其中祀下祀并雜祭祀等一切並停其諸應合 典不修造次便行哀矜何在自今已後其有犯極刑者宜 祭祀列於常典所用祭料一依古制務從減省以副朕心 深誠為干載之明徵事可遵行理當變革有司所立秘 金灰全厚文、老四十五 精誠有感黍稷非馨而況宋景發言固三徙而可驗漢文 無濫又書稱羣望咸秋詩曰祀事孔明爰自退代尤崇祭 令本司依舊三覆庶平反之際人謂不冤幽明之閒理皆 之法或移於歲或移於人君人之心寧所忍也自今已後 祀朕深惟古義必在至誠苟德之不修則神亦無據故知 视

節限聞奏自頃戎車未息殘孽猶虞軍吏獻功務陳首級 俗宜令所司定王公已下車服產業各詳古制及令式作 首懸彼橐街朕志在好生憫其驅脅其諸軍所獲首級除 **歷年所至於公卿列位中外在官多以奢僭為心流弊成** 踢貴軍儲是急廩稍靡供完官之流固甚勞弊其京閒 政務於利用今寰瀛之内兵革未清加以時或不登物皆 且四海之内孰非王人豈以若從昏迷陷在夷戮一朝授 又車服以庸有虞盛典威儀以等周禮舊章往屬承平多 次已ら与し、美可上山肅宗 元惡之外一切不得傳送又設官分理本在安人遞遷之

官等有材堪釐務者宜命中書門下即類例量資歷出授 終身勿事 並委州縣長吏擇日致祭義夫節婦孝子順孫在表門 武非騎射但權謀可以集事材力可以臨我方圓可收 各一人武藝文才俱堪齊理者亦任狀舉其或文色詞策 中外五品巴上文武正從員官各舉賢良方正直言極諫 任通舉並限制到一月內奏畢自古明王聖帝名山大, 金牙石屋丁一港四十五 外官王者稽古設教擇賢以理廣徵岩穴用副薪槱宜令 去上元年號大赦文

欽 以 獲守不業若履春冰敢忘謙沖日益招損欲垂範而 生元氣之本律首黃鍾之尊制度可行叶用斯在自今已 何德以當之欽若昊天定時成歲春秋五始義在體元惟 亦去華而就實其乾元大聖光天文武孝感等尊崇之 其舊物聖皇納人壽域遊意道源神器之重傳歸於朕 定全唐文《卷四十五扇宗 紀年更無潤色至於漢武飾以浮華非昔王之茂典豈 躬文武聖神乃以為號顧予菲薄運屬經綸 而為則三代受命正朔皆殊宗周之王實得天統陽 者與眾守邦自古哲王懼其滿假聰明落哲罔 旅成師 自 稱

發覺已結正未結正見繫囚徒常赦所不免者成赦除 其十惡五逆及造偽頭首官典犯贓法實難容刑故無 陟后稽古臨人必繇革故之原方合大中之道風行寓 後朕號唯稱皇帝其年但號元年去上元之號其以今 年九月二十一日昧爽已前大辟罪無輕重已發覺 被無涯欽承上帝之心申錫蒼生之慶可大赦天下 不在免限其史朝義若能翻然改圖背逆歸 月為天正歲首使建丑建寅每月以所建為數承 封自乾元元年巴前開元已來應反逆連累 罪

依本色例收敘内外官三品巴上賜爵一級四品五品各 飲定全害文人长四十五肅宗 或非醫性牢空多未謂能享今以元元孚佑至道為心將 事每縣各置田正二人於當縣揀明閉田種者充務令勸 外三品已上更賜爵一級四五品更加一階六品已下更 慮度限所未該及者並宜釋放有官者降資與官無官者 課國之大事郊祀為先貴其至誠不美多品黍稷雖設猶 不有司存何成重穀諸州等各置司田參軍一人專主農 賜勲一轉眷及勤勞俾其卓敘每以田功在謹農事惟勤 階六品已下賜熟兩轉成都府及靈武元從普恩之

官及郎官御史諸州刺史皆令推薦一兩人以自代仍具 唐虞之代肇有九州王者所都文無異制其京此府河南 享宗廟諸祠但臨時獻熟用懷明德之馨庶合西鄉之祭 諫曹欲聞諷議允副從繩之望須成削豪之書其諫官令 府太原府三京之號宜停鳳翔先為西京亦宜準此所設 其諸州别駕可依舊却置每除京官五品已上正員清望 臻太和不欲多殺禮樂殊制孝敬同歸園丘方澤任依恒 行能聞奏觀其所舉以行殿最京文武官等賜物各一 ピノニージェーニ 上封事指陳時政得失若不舉職事當别有處分

欽定全唐文《卷四十五浦宗 氏姓雖得之久遠有與格諱及隱疾同聲者宜改與本 所未及者各令有司速勘會類例條件間奏 差自今已後有隱欺勾剥者宜勾當年若事連去年亦 望所出大姓自逐穩便名山大川明王聖帝所在廟祠 一句其隔年者不在勾限官典隱藏在腹内不在此限 州縣官長虔誠致祭天下侍老先版授者更改與版授 版授者與版授鰥寡悍獨不能存立者委刺史縣令量 恤義夫節婦孝子順孫在表門問終身勿事赦書 元年建卯 月南郊救 王

守丕圖思大道之行去鴻名之節文武徽號存而不稱 兹宜行肆告之思益廣萬那之慶可赦天下自元年建 生之時用行額勒之道陽谷出日登大明於域中泰山起 惟天為大事之在明惟聖能享承之在德朕託於人上獲 雲遍膏雨於天下君人臨照德澤周洽布其寬大豈止 亦可言昭事以誠實膺多福高而不遠復見其心乃候發 廟恭行舊典展禮南郊百神允懷上帝臨我升聞之際其 統履端建元叶紀美皆有讓言必可陳虔告上元致齊清 日昧爽已前大辟罪已下罪無輕重已發覺未發覺

盡既深在法難容並不在赦限其史朝義已下脅從將 逆造偽頭首謀殺故殺并十惡死罪官吏及典正犯贓 欽定全害文人卷四十五肃宗 諸色流人及左降官等前後頻有處分並與量移所縣稽 例聞奏其中外行業風著情狀可矜久踐朝班曾經任 及受偽官等棄逆歸順因事立功封賞之外餘無所問 相語委為來所推者各以名薦須當才實其內外文武官 者委在朝五品巴上清望官及郎官御史於流貶人中 已結正未結正繫囚見徒常赦所不免者成赦除之其反 動歷年數宜令有司即申明前後制勅節文速勘責類

宜三分量留一分其餘即放歸營農至建已月任依常 失時貧不支濟戶仍方圓處置量事借貸務令存立歲 品已上賜蘇一 月迎氣之日與百群卿士舉而行之建長月應番礦 功臣三品已上更賜爵 按量其功效便申賞罰諸道貢獻除馬畜供軍之 州刺史縣令及司田麥軍令設法勸課令其耕種不得 人時慎微月令庶無備極以獲休徵自今以後每至 **鷹鶏狗豹奇禽異獸並不得輒進五都之號其來自** 級四品已上各加一 級四品巴上更加 階成都府靈武元 一階朕敬 V!)

钦定全書文是後四十五肃宗 宜以京兆府為上 軍謀制勝明習韜鈴者委所在刺史揀擇聞薦京四 兩省供奉官御史諸州刺史並諸道節度已下三品 上員文武官任各舉一人孝子順孫義夫節婦在表 父母亡没未經追贈者並量與追贈文武不墜道宏於 為南都太原府為北都孝本天經禮崇國典橫於四海 務在搜揚俾其展效其諸道人中有詞學高深兼通 及三泉其京資清正員文官五品巴上武官三品巴 一都河南府為東都鳳朔府為西都江 5

露之渥澤其天下見禁囚徒罪無輕重并已發覺未發覺 總集瑞命祗承鴻休因以體元叶乎五紀其元年應改為 件其楚州刺史并出實縣官及進寶官量與進改隨進寶 寶應元年建已月改為四月其餘月並為常數仍舊以正 結正未結正四月十五日昧爽以前一切放免左降官 一天降寶獻自楚州神明告歷數之符合壁定妖災之氣 即量移近處流人一切放迴有司更不得輕有類例 日為歲首受兹福應付以升平因日月之重光布雨 改元寶應赦文

官典僚等各量與一子官宣示中外宜知朕意 禮飛章騰踊而入雲虚空有言聖壽靈長而象岳休祐 陛下顧天位之累己推以付臣臣又畏天命以固解期 黃素況靈丹神合秘藥天成聿修增壇奉以行事肅恭展 感曠古未聞伏望宣示朝廷錄付史館 たことをしている」と前宗 奉詔未蒙詔許以辱四海而今加之徽號錫以洪名旣受 今月六日伏見陛下昭告上帝陰騰下民勤恤蒼生克成 辭尊號上太上皇表 賀内道場靈異表

帝王者天所命也稱號者人所奉也惟有德克齊大寶 感通臣何有焉此皆陛下之能事也曲成之惠在慈愛 後行頃以寇逆憑陵京關失守撫軍監國事在一時正 寶符又傳神器是重臣以不德私臣以殊龍豈天地之 居中尊無二上至于光天之業允文允武聖由天作孝 臣下之情不勝至願 金员全居文一老四十五 愈深至公之道將詢謀而未叶伏望寢兹嚴命俯遂勤 乎神人之望乎臣聞禮有常尊器不可假名無虚立義 大聖尊號并上太上皇尊號表

卓哉煌煌真聖人之表也夫天地至大不能定愆伏之序 以還歷選列群聰明文武齊聖廣淵丕懿純殷孰與比議 消息為人請命舞干羽而氛浸永清垂衣裳而衽席無改 以 貊尊九廟以崇孝謁五陵以奉先禮二郊以嚴禋祠九宫 之名焉伏惟陛下乾坤覆載河海潤澤道達生靈惠懷顧 聖以享鴻休于是乎人神形容其美行歌詠之不足或為 たかといましてより上江南宗 日 納萬姓於仁壽之域朝百神於清穆之上窅然姑射之 月運行不能正薄蝕之氣自在孽開釁似擾天紀與時 致敬刻石北京以揚祖烈泥金東嶽以告成功自三五

金岁白月二十月 邑以為名不可假尊不可踰敬承嚴旨得為孝乎至于 臣以后王徽章何以克堪解不獲命臣自奉明詔夙夜 思訪襄城之野斯又臣言之不及稽古所未聞羲軒唐虚 即命有司擇日奉行册禮其錫臣帝號大聖二字伏願 今王公侯伯卿士兆人詢謀愈同稽首關下臣敢因衆 託者深所荷者大不敢悉拒以違天衷而大聖二字得 不易求諸故實布在册書伏望陛下顧兹當仁期以制義 議成小子之志上尊號於陛下日太上至道聖皇天帝 足以云今方推而不居為而不有付臣以宗廟重器錫

罪將以明授受之道辨上下之分不勝臣子下情懇願之 極伏惟陛下俯垂允許以副四海之望 陛下以宗社再安天下交泰付臣以神器授臣以實符 之澤者百川之赴東海縣是累上尊號敢冒宸威陛下以 後昆乃悉數前美仰陛下之行者眾星之拱北辰悅陛下 心奉上之禮未足臣所以與王公卿士百辟兆人思垂裕 臣以龍章錫臣以徽號君親之義惠下之道已彰臣子之 シーニーニー 如臣言可以簡當所希採納如臣誠不足動天伏當 再請上太上皇尊號表

多定全唐文 《卷四十五 萬 撝謙今斷來表進迫嚴旨何以克堪退荷殊私無任隕越 無為之心不宰萬物抑而未允至于再三羣情禺禺問知 小子伏受命矣伏惟陛下允臣所請則自下上上日月之 所措一昨平卯賜誥命曰頻覽章表懇至難違爾寶命惟 願之至 以來月乙已奉上冊禮聖恩招納即日付外施行不勝懇 光昭從上下下雨露之恩廣臣已詢諸龜筮備其禮物請 新洪名允集用加大聖之字克副昊天之心若成命無渝 國同歡於郊戴儻固解不已吾亦未膺乎典册今不許

欽定全唐文《卷四十五肅宗 於孝養之宜臣子常禮先意承旨務達微誠不期進奉之 時偶合聖旨寧謂至誠能感事近前知以臣孝旣縣衷物 五室道心不二是為正 德自清虚聖教之實或隱或顯是樸是質靜處瓊臺焚香 自冥應特加獎飾許載綠網在臣下情彌增愧惊 領示天下臣幸以菲才切膺實歷聖慈曲眷每事憂兢至 臣伏奉恩命以臣所進藥器深合天心伏蒙特垂褒美令 張天師賛 謝進丹竈宣示史館表

			不恃馭風冷然與物終始	然不伐為而	サブトン・シー・・・・・・・・・・・・・・・・・・・・・・・・・・・・・・・・・・・
--	--	--	------------	-------	--